



Lukavac, 04.08. 2026.godine

SLUŽBENI GLASNIK GRADA LUKAVAC

AKTI GRADSKOG VIJEĆA

1. Odluka o listi deficitarnih zanimanja, broju i iznosu stipendija za 2026. godinu
2. Odluka o pristupanju izradi izmjene i dopune regulacionog plana: Lukavac Grad „Centar 1 i Centar 2“
3. Odluka o usvajanju plana parcelacije
4. Odluka o izmjenama Odluke o bezbjednosti i organizaciji saobraćaja na putevima Grada Lukavac
5. Odluka o imjenama i dopunama Odluke o utvrđivanju cjenovnika svih vrsta vozni karata za sve kategorije putnika javnog linijskog prevoza na području grada Lukavac
6. Odluka o utvrđivanju prijedloga kandidata za imenovanje članova Nadzornog odbora JP „Vodovod i kanalizacija“ d.o.o. Lukavac

AKTI GRADONAČELNIKA

1. Izmjene programa utroška sredstava Transfera Službe za društvene djelatnosti i upravu Grada Lukavac za 2026. godinu
2. Pravilnik o izmjeni Pravilnika o utvrđivanju uslova i kriterija u postupku odobravanja namjenskih sredstava za finansiranje projekata iz oblasti zaštite okoliša na području Grada Lukavac
3. Pravilnik o izmjenama i dopunama Pravilnika o unutrašnjoj organizaciji Jedinstvenog gradskog organa uprave Grada Lukavac
4. Odluka o dodjeli dodatnih stipendija učenicima i studentima

AKTI DRUGIH ORGANA

1. Presuda Ustvanog suda Federacije BiH broj: U-18/25
2. Ispravka greške u Odluci o izmjenama Odluke o vodosnadbijevanju na području općine Lukavac



Broj: 01-02-2089-2/26
Lukavac, 31.07.2026.godine

Na osnovu Statuta Grada Lukavac („Službeni glasnik Grada Lukavac“ broj: 14/25), Budžeta Grada Lukavac za 2026. godinu („Službeni glasnik Grada Lukavac“, broj: 15/25, 5/26), člana 22. Odluke o izvršenju budžeta Grada Lukavac za 2026. godinu („Službeni glasnik Grada Lukavac“, broj: 15/25), Programa utroška sredstava transfera Službe za društvene djelatnosti i upravu Grada Lukavac za 2026. godinu („Službeni glasnik Grada Lukavac“, broj: 1/26, 6a/26), člana 1. stav 3. i člana člana 2. stav 2. Pravilnika o kriterijima za dodjelu stipendija učenicima prvih razreda srednjih škola sa liste deficitarnih zanimanja sa područja grada Lukavac („Sl. glasnik Grada Lukavac“, broj: 8/23, 13/23) Gradsko vijeće Lukavac, na 19. redovnoj sjednici održanoj dana 30.07.2026.godine, donijelo je

ODLUKU

o listi deficitarnih zanimanja, broju i iznosu stipendija za 2026 godinu

Član 1.

Iz sredstava Budžeta Grada Lukavac za 2026. godinu, potrošačka jedinica 05, ekonomski kod 614 234 „Isplate stipendija“, tačke 614 234 04 Programa utroška sredstava transfera Službe za društvene djelatnosti i upravu Grada Lukavac za 2026. godinu, („Službeni glasnik Grada Lukavac“, broj: 1/26, 6a/26) „Stipendiranje deficitarnih zanimanja“, u svrhu stipendiranja uspješnih učenika, odobravaju se novčana sredstva u visini od 44.280,00 (četrdesetčetirihiljadedvjestoosamdeset KM i 00/100 pfeninga).

Član 2.

- (1) U školskoj 2026/2027 godini bit će dodijeljeno 41 (četrdesetjedna) učenička stipendija za učenike prvih razreda srednje škole sa liste sljedećih deficitarnih zanimanja:

SPISAK DEFICITARNIH ZANIMANJA ZA GRAD LUKAVAC 2026

MAŠINSKA STRUKA

Redni broj	Zanimanje
1	Mašinski tehničar CNC operater
2	Zavarivač
3	Limar/autolimar
4	Bravar
5	Metalostrugar
6	Automehaničar
7	Vozač motornih vozila
8	Električar

RUDARSKA STRUKA

Redni broj	Zanimanje
1	Rukovalac rudarske mehanizacije površinskog kopa

UGOSTITELJSKA STRUKA

Redni broj	Zanimanje
1	Kuhar
2	Konobar
3	Trgovac
4	Operator hemijsko-tehnoloških procesa

GRAĐEVINSKA STRUKA

Redni broj	Zanimanje
1	Zidar
2	Armirač
3	Tesar
4	Stolar

TEKSTILNA STRUKA

Redni broj	Zanimanje
1	Krojač
2	Obučar

- (2) Stipendije se dodjeljuju za vrijeme trajanja jedne školske/akademske godine, tj. za 9 mjeseci jednokratno i iznose 120,00 KM (stotinudvadeset KM) po mjesecu.
- (3) Stipendije se dodjeljuju na osnovu uspjeha ostvarenog u prethodnoj školskoj godini.
- (4) Sredstva za stipendije, iznosi stipendija i broj stipendija mogu biti veći od iznosa i broja utvrđenog u ovoj odluci, te će se ista povećati Odlukom Gradonačelnika i Odlukom Gradonačelnika o preraspodjeli ukoliko bude raspoloživih sredstava u Budžetu.

Član 3.

Javni poziv za dodjelu stipendija učenicima i studentima provest će Komisija koju će imenovati Gradonačelnik u skladu odredbama važećeg Pravilnika o kriterijima za dodjelu stipendija učenicima prvih razreda srednjih škola sa liste deficitarnih zanimanja sa područja grada Lukavac.

Član 4.

Ova Odluka stupa na snagu danom objave u „Službenom glasniku Grada Lukavac“.

PREDSJEDAVAJUĆI
GRADSKOG VIJEĆA

Midhat Sarajlić, dipl.ecc.s.r.



Broj: 01-19-2048-3/25-1
Lukavac, 31.07.2026. godine

Na osnovu člana 38. Zakona o upravnom postupku ("Službene novine F BiH", broj 2/98, 48/99 i 61/22), člana 23. stav 1. alineja 3. Statuta grada Lukavac („Službeni glasnik grada Lukavac“, broj 14/25), člana 38. 41. i 49. Zakona o prostornom uređenju i građenju TK („Službene novine TK-a“, broj 6/11, 4/13, 15/13, 3/15, 2/16, 4/17, 22/22 i 20/23), Gradsko vijeće Lukavac, na 19. redovna sjednici održanoj dana 30.07.2026. godine, donosi

ODLUKA O PRISTUPANJU IZRADI IZMJENE I DOPUNE REGULACIONOG PLANA: LUKAVAC GRAD „CENTAR 1 I CENTAR 2”

Vrsta plana

Član 1.

Pristupa se izradi Izmjene i dopune Regulacionog plana Lukavac Grad „Centar 1 i Centar 2“.

Granice područja za koje se radi Izmjena i dopuna Regulacionog plana

Član 2.

Izmjene Regulacionog plana nalaze se unutar obuhvata usvojenog Regulacionog plana Lukavac Grad „Centar 1 i Centar 2“.

Vrsta plana višeg reda

Član 3.

Izmjene i dopune Plana se vrše u skladu sa Prostornim planom općine Lukavac za period 2015-2035. godina („Službeni glasnik općine Lukavac“, broj 1a/16, 7/16 i 8/16).

Vremenski period za koji se donose Izmjene i dopune Regulacionog plana

Član 4.

Izmjene i dopune Plana se odnose na period važenja postojeće usvojene Planske dokumentacije - Regulacioni plan Lukavac Grad „Centar 1 i Centar 2“.

Smjernice za izradu izmjene Regulacionog plana

Član 5.

Izmjene i dopune Regulacionog plan izraditi prema slijedećim smjernicama:

1. Opšte smjernice

Izmjene i dopune Regulacionog plana Lukavac Grad „Centar 1 i Centar 2“ izraditi prema slijedećim smjernicama:

Kod izrade Izmjene i dopune Plana koristit će se ažurna geodetska podloga i sačiniti geodetski snimak situacije lokaliteta koji je predmet izmjene te koristiti podatke iz usvojenog Regulacionog plana Lukavac Grad „Centar 1 i Centar 2“.

Prilikom izrade Izmjene i dopune Regulacionog plana poštovati opredjeljenja data kroz Prostorni plan općine Lukavac za period 2015-2035. godina („Službenom glasniku općine Lukavac“, broj 1a/16, 7/16, 8/16 i 6/21) i Regulacioni plan Lukavac Grad Centar 1 i Centar 2. (Sl. glasnik Grada Lukavac broj: 5/23) - (saobraćaj, komunalna infrastruktura, namjena itd.).

Izmjene i dopune Plana izraditi u skladu sa sadržajem i dokumentacijom koji je za ovu vrstu plana utvrđena: Zakonom o prostornom uređenju i građenju TK-a („Službene novine TK-a“, broj 6/11, 4/13, 15/13, 3/15, 2/16, 4/17, 22/22 i 20/23), Uredbom o jedinstvenoj metodologiji za izradu planskih dokumenata („Službene novine FBiH“, broj 63/04, 50/07 i 84/10), Zakonom o prostornom planiranju i korištenju zemljišta na nivou FBiH („Službene novine FBiH“, broj 2/06, 72/07, 32/08, 4/10, 13/10 i 45/10).

U konkretnom slučaju po podnešenim inicijativama radi se o prijedlogu za izmjenu Plana koje se odnose na položaj građevinskih linija, promjene prilaza parcelama i planiranim objektima, gabaritima i spratnosti planiranih i izvedenih objekata, dispozicija objekata u prostoru, i ispravkama očitih grešaka obzirom na veličinu obuhvata i broj objekata koji su tretirani planom.

Nosilac izrade plana dužan je razmotriti sve pristigle inicijative i predložiti korekcije za koje smatra da ne remete osnovni koncept usvojenog Plana bez prava nametanja zahtjeva i rješenja koji su u suprotnosti sa usvojenim Regulacionim planom i osnovnim konceptom uređenja.

Nosilac Izrade Plana u svakom konkretnom slučaju ukoliko bude prihvaćen od istog, prilikom izrade izmjene i dopune Plana obavezan je planirati površine za parkiranje u skladu sa članom 63. stav 1. alineja 10. Zakona o prostornom uređenju i građenju TK.

Ukoliko predložene izmjene budu u koliziji sa tekstom donesene Odluke o provođenju Regulacionog plana, uz izmjene koje se predlažu, predložiti izmjeniti i dopuniti tekst Odluke.

2. Zelenilo

- Prilikom definisanja organizacije prostora koji je predmet izmjena treba što je moguće više sačuvati postojeće zelene površine, uz prijedlog unapređenja njihove strukture (biološka i građevinska komponenta);

3. Saobraćaj

- U toku izrade Izmjena i dopuna Regulacionog plana potrebno je zadržati koncept saobraćaja usvojenog Regulacionog plana, uz razmatranje novopredloženih rješenja saobraćaja u mirovanju kao i nove regionalne ceste sa četiri trake koja dijeli područje obuhvata na dva dijela.

- Ispoštovati propise o preglednosti na svim saobraćajnicama u obuhvatima Izmjena i dopuna Regulacionog plana, a posebno u zonama raskršća;

- Predvidjeti prostore za saobraćaj u mirovanju na lokacijama koje su predmet izmjena u skladu sa važećim standardima; odnosno obavezno je planirati površine za parkiranje u skladu sa članom 63. stav 1. alineja 10. Zakona o prostornom uređenju i građenju TK (jedan stan jedno parking mjesto) i člana 160. stav 2. Odluke o provođenju Prostornog plana općine Lukavac 2015-2035 godine.

4. Komunalna hidrotehnika

a) Snabdijevanje vodom

- Područje u obuhvatu Izmjena i dopuna Regulacionog plana snabdijeva se vodom iz centralnog vodovodnog sistema JP „Rad“ Lukavac te lokacije priključenja na vodovodnu mrežu a koja su predmet izmjene usuglasiti sa distributerom vode.

b) Odvodnja otpadnih i oborinskih voda

- U obuhvatu Izmjena i dopuna Regulacionog plana predvidjeti razdvajanje oborinskih i otpadnih voda sa priključenjem na postojeće izgrađene kolektore kroz projekat Watsan. Mjesta upoja otpadne i oborinske kanalizacije usuglasiti sa preduzećem kojem je povjereno održavanje ovih sistema.

5. Termoenergetika

a) Toplifikacija

- U obuhvatu Izmjena i dopuna Regulacionog plana potrebno je, sve lokacije po mogućnosti, planirati centralizovano snabdijevanje toplotnom energijom u cilju smanjenja zagađenja. Mjesta priključenja usuglasiti sa distributerom toplinske energije.

6. Elektroenergetika

- Područje obuhvaćeno Izmjenom i dopunom Regulacionim planom je pokriveno elektroenergetskim sistemom za kontinuirano snabdijevanje električnom energijom odnosno za svaki pojedinačni lokalitet izmjene i dopune Plana će se nadležni distributer el.energije izjasniti kod podnošenja zahtjeva za izdavanje urbanističko tehničke dokumentacije za gradnju.

7. Obnovljivi izvori energije

- U skladu sa planovima višeg reda i postojećom zakonskom regulativom potrebno je planirati izgradnju obnovljivih izvora energije. Građevine koje služe iskorištavanju obnovljivih izvora energije smiju se smještati unutar obuhvata Regulacionog plana u skladu sa posebnim propisima.

8. Kablovska TK-a mreža

- U obuhvatu Izmjena i dopuna Regulacionog plana potrebno je sagledati postojeće stanje telekomunikacionih infrastruktura i prema potrebama planirati infrastrukturu koja će zadovoljiti zahtjeve korisnika. Trase telekomunikacionih infrastruktura planirati podzemno, u pločnicima i zelenim površinama, ali izvan kolovoza.

Rokovi za pripremu i izradu Izmjene i dopune Regulacionog plana, plan aktivnosti, javne rasprave i javni uvid

Član 6.

Rokovi za pripremu i izradu Izmjene i dopune Regulacionog plana, plan aktivnosti, javna rasprava i javni uvid:

- Odluka o pristupanju izradi Izmjene i dopune Regulacionog plana, sa planom aktivnosti za pripremu i izradu Izmjene i dopune Regulacionog plana: jul 2026. godine;
- Podloge za izradu Izmjene i dopune Regulacionog plana: avgust 2026. godine;
- Javna nabavka i ugovaranje: avgust oktobar 2026. godine;
- Priprema i izrada urbanističke osnove sa usvajanjem osnovne koncepcije Izmjene i dopune Regulacionog plana: decembar 2026. godine;
- Prednacrt Izmjene i dopune Regulacionog plana: februar 2027. godine;
- Nacrti Izmjene i dopune Regulacionog plana: april 2027. godine;
- Javni uvid i rasprava po nacrtu Izmjene i dopune Regulacionog plana: maj 2027. godine;
- Sumiranje rezultata javne rasprave: juni 2027. godine;
- Prijedlog Izmjene i dopune Regulacionog plana: juli 2027. godine;
- Usvajanje Izmjene i dopune Regulacionog plana: juli 2027. godine;
- Isporuka Izmjene i dopune Regulacionog plana: avgust 2027. godine.

Sudjelovanje javnosti

Član 7.

Nosilac pripreme Plana će tokom izrade izmjena i dopuna Plana osigurati učešće javnosti kroz javni uvid/javnu raspravu koja će se organizirati nakon usvajanja nacрта Izmjene i dopune Regulacionog plana..

Sadržaj Plana

Član 8.

U postupku izrade Izmjene i dopune Plana Nosilac izrade Plana dužan je uraditi planski dokument u skladu sa odredbama Zakona o prostornom uređenju i građenju TK-a („Službene novine TK-a“, broj 6/11, 4/13, 15/13, 3/15, 2/16, 4/17, 22/22 i 20/23), Uredbom o jedinstvenoj metodologiji za izradu planskih dokumenata („Službene novine FBiH“, broj 63/04, 50/07 i 84/10), Zakonom o prostornom planiranju i korištenju zemljišta na nivou FBiH („Službene novine FBiH“, broj 2/06, 72/07, 32/08, 4/10, 13/10 i 45/10).

Način osiguranja sredstava za izradu Regulacionog plana

Član 9.

Sredstava za izradu Izmjene i dopune Regulacionog plana obezbjeđuje Grad Lukavac iz budžeta Grada Lukavac za 2026. godinu, 2027 godinu

Nosilac pripreme i nosilac izrade Izmjene i dopune Regulacionog plana

Član 10.

Nosilac pripreme Izmjene i dopune Regulacionog plana je Gradonačelnik i Služba za urbanizam, imovinske i geodetske poslove, Služba za investicije i razvoj a nosilac izrade Regulacionog plana je pravno lice koje će biti izabrano putem javnog natječaja u skladu sa Zakonom o javnim nabavkama, odnosno subjekt koji treba biti u registru privrednih društava i drugih pravnih lica ovlaštenih za obavljanje stručnih poslova izrade planske dokumentacije koje vodi Federalno ministarstvo prostornog uređenja.

Za potrebe stručnog praćenja, usmjeravanja i utvrđivanja svih faza izmjene Plana, Nositelj pripreme će formirati Savjet plana kojeg čine istaknuti stručnjaci iz oblasti prostornog planiranja, urbanizma, građenja i drugih oblasti shodno članu 42. Zakona o prostornom uređenju i građenju TK.

Donošenje plana

Član 11.

Nosilac izrade Izmjene i dopune Regulacionog plana će izraditi Izmjene i dopune Regulacionog plana i dostaviti ih nosiocu pripreme.

Nosilac pripreme i Savjet plana provjeravaju da li je dostavljena dokumentacija izrađena u skladu sa Zakonom o prostornom uređenju i građenju TK-a, Uredbom o jedinstvenoj metodologiji za izradu planskih dokumenata („Službene novine FBiH“, broj 63/04, 50/07 i 84/10), Prostornim planom općine Lukavac za period 2015-2035. godina.

Gradonačelnik podnosi nacрте i prijedloge Izmjene i dopune Regulacionog plana Gradskom vijeću Lukavac na usvajanje i donošenje.

Ostale odredbe

Član 12.

1. Subjekti planiranja

Subjekti planiranja su: Gradonačelnik, Služba za urbanizam, imovinske i geodetske poslove, nosilac izrade, Služba za investicije i razvoj, Ostale službe Grada Lukavac, JP „Rad“ Lukavac, JP VIK Lukavac, JP Elektroprivreda BiH d.d. Sarajevo, Željeznice FBiH Sarajevo, ostala javna preduzeća i ustanove, privredni subjekti, vlasnici i korisnici zemljišta, potencijalni investitori odnosno podnosioci inicijative za izmjenu Plana.

Član 13.

2. Režim građenja i zabrane građenja

Do donošenja Izmjena i dopuna Regulacionog plana Grad Lukavac „Centar 1 i Centar 2“ za sve građevinske parcele za koje investitori traže intervencije u skladu sa usvojenom detaljnom važećom planskom dokumentacijom (Regulacioni plan Grada Lukavac Centar 1 i Centar 2 i Urbanistički projekat „Gradska pješačka zona u Lukavcu“) a za koje se ne traži izmjena iste se mogu odobriti, ukoliko nisu u koliziji sa predloženim izmjenama saobraćajnih rješenja, novoplaniranih šetnica i sl odnosno ne remete osnovni koncept usvojenog plana.

Član 14.

Ovom Odlukom stavlja se van snage Odluka o pristupanju izradi izmjene i dopune Regulacionog plana Lukavac Grad Centar 1 i Centar 2 – skraćeni postupak, broj:01-19-2048/25 od 30.12.2025. godine

Ova Odluka stupa na snagu prvog narednog dana od dana objavljivanja u „Službenom glasniku Grada Lukavac“.

PREDSJEDAVAJUĆI
GRADSKOG VIJEĆA

Midhat Sarajlić, dipl. ecc, s.r.



Broj: 01-19-2266-4/26
Lukavac, 31.07.2026. godine

Na osnovu člana 39. tačka 8. Zakona o prostornom uređenju i građenju („Službene novine TK-a“, broj 6/11, 4/13, 15/13, 3/15, 2/16, 4/17, 22/22, 20/23 i 7/26) i člana 23. stav 1. alineja 3. Statuta grada Lukavac („Službeni glasnik grada Lukavac“, broj 14/25), Gradsko vijeće Lukavac, na sjednici 19. redovnoj sjednici održanoj dana 30.06.2026. godine, donijelo je

ODLUKA O USVAJANJU PLANA PARCELACIJE

Član 1.

Usvaja se Plan parcelacije stambeno poslovnog kompleksa u Lukavcu urađen od strane nosioca izrade plana preduzeća d.o.o. „RADIS“ Istočno Sarajevo zaveden pod brojem: 783-07/26 izrađen jula 2026. godine.

Član 2.

Predmetni Plan parcelacije i dispozicija objekata i uređenje prostora cjeline planirani su na parcelama označenim kao k.č. broj: 2680/32, 2680/38, 2683/1, 2683/2 i 2683/3 sve k.o. Lukavac

Član 3.

Sastavni dio ove Odluke je tekstualni i grafički dio Plana parcelacije.

Član 4.

Ova Odluka stupa na snagu prvog narednog dana od dana objavljivanja u „Službenom glasniku Grada Lukavac“.

**PREDSJEDAVAJUĆI
GRADSKOG VIJEĆA**

Midhat Sarajlić dipl.ecc, s.r.



Broj: 01-02-1828-1/26
Lukavac, 03.08.2026. godine

Na osnovu člana 32. Statuta Grada Lukavac („Službeni glasnik Grada Lukavac“, broj: 14/25) i člana 2. stav 1. Zakona o osnovima bezbjednosti saobraćaja na putevima u BiH („Službeni glasnik BiH“, br. 6/06, 75/06, 44/07, 84/09, 48/10, 48/10, 18/13, 8/17, 89/17 i 9/18), Gradsko vijeće grada Lukavac na 19. redovnoj sjednici održanoj dana 30.07.2026.godine, donijelo je

O D L U K U
o izmjenama Odluke o bezbjednosti i organizaciji saobraćaja na putevima Grada Lukavac

Član 1.

U Odluci o bezbjednosti i organizaciji saobraćaja na putevima Grada Lukavac („Službeni glasnik Grada Lukavac“, broj: 13/23, 05/24, 03/26 i 8/26), član 16. stav (1) mijenja se i glasi:

- (1) Radi unapređenja sigurnosti pješaka, poboljšanja kvaliteta javnog prostora i formiranja pješačke zone i šetališta za građane, privremeno se zabranjuje saobraćaj motornih vozila u ulici Branilaca Bosne, od raskrsnica sa ul. Lukavačkih brigada do raskrsnica sa ul. 9. m . 9. maja i ul. Redžepa Efendije Muminhodžića, u vremenu od 19:00 do 22:00 sata u periodu od 01.07. do 01.08.2026. godine.

Član 3.

Odluka stupa na snagu danom objavljivanja u „Službenom glasniku grada Lukavac“.

PREDSJEDAVAJUĆI
GRADSKOG VIJEĆA

Midhat Sarajlić, dipl. ecc,s.r.





Broj: 01- 02-3580-2/25
Lukavac, 03.08.2026. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), a u vezi sa članom 3. stav (1) alineja 4. i članom 5. stav (2) tačka a) Zakona o komunalnim djelatnostima („Službene novine Tuzlanskog kantona“, broj: 11/21 i 7/25) i člana 23. Statuta Grada Lukavac („Službeni glasnik Grada Lukavca“, broj: 14/25), Gradsko vijeće Grada Lukavca, na 19. redovnoj sjednici održanoj 30.07.2026.godine, donijelo je

ODLUKU

o izmjenama i dopunama Odluke o utvrđivanju cjenovnika svih vrsta vozni karata za sve kategorije putnika javnog linijskog prevoza na području grada Lukavca

Član 1.

U Odluci o utvrđivanju cjenovnika svih vrsta vozni karata za sve kategorije putnika javnog linijskog prevoza na području grada Lukavca („Službeni glasnik grada Lukavac“, broj: 15/25 i 2(26), u članu 2. mijenja se

- alineja a) i glasi: cijena pojedinačne linijske vozne karte u okviru ZONA 0 iznosi 1,50 KM za učenike/studente, nezapslene i penzinere i 2,50 KM za radnike i ostale sa PDV-om;
- alineja b) i glasi: cijena pojedinačne linijske vozne karte u okviru ZONA 1 iznosi 2,00 KM za učenike/studente, nezapslene i penzinere i 3,00 KM za radnike i ostale sa PDV-om;
- alineja c) i glasi: cijena pojedinačne linijske vozne karte u okviru ZONA 2 iznosi 2,50 KM za učenike/studente, nezapslene i penzinere i 3,50 KM za radnike i ostale sa PDV-om;
- alineja d) i glasi: cijena pojedinačne linijske vozne karte između mjesnih zajednica unutar dvije susjedne zone iznosi 1,50 KM za učenike/studente, nezapslene i penzinere i 2,50 KM za radnike i ostale sa PDV-om;
- alineja e) i glasi: cijena dnevne linijske vozne karte za sve linije iznosi 5,00 KM za učenike/studente, nezapslene i penzinere i 7,00 KM za radnike i ostale sa PDV-om;
- alineja f) i glasi: cijena pojedinačne linijske mjesečne vozne karte u okviru ZONA 0 iznosi 60,00 KM za učenike/studente i nezapslene i 100,00 KM za radnike i ostale sa PDV-om;
- alineja g) i glasi: cijena pojedinačne linijske mjesečne vozne karte u okviru ZONA 1 iznosi 70,00 KM za učenike/studente i nezapslene i 120,00 KM za radnike i ostale sa PDV-om;
- alineja h) i glasi: cijena pojedinačne linijske mjesečne vozne karte u okviru ZONA 2 iznosi 80,00 KM za učenike/studente i nezapslene i 140,00 KM za radnike i ostale sa PDV-om;

Strana 1 od 2



ISO 9001:2015
No. 308550 QM15

Grad Lukavac – Gradsko vijeće, Trg slobode 1, 75300 Lukavac
www.lukavac.ba,
Tel. +387 35 553 253



ISO 9001:2015
No. 308550 QM15

- alineja i) i glasi: cijena pojedinačne linijeske mjesečne karte za sve zone iznosi 120,00 KM za učenike/studente, nezapslene i penzinere i 180,00 KM za radnike i ostale sa PDV-om;
- alineja j) i glasi: cijena pojedinačne linijeske mjesečne karte između mjesnih zajednica unutar dvije susjedne zone iznosi 60,00 KM za učenike/studente, nezapslene i penzinere i 90,00 KM za radnike i ostale sa PDV-om;

Član 2.

Odluka stupa na snagu danom objavljivanja u „Službenom glasniku Grada Lukavca“.

PREDSJEDAVAJUĆI
GRADSKOG VIJEĆA

Midhat Sarajlić, dipl.ecc, s.r.



Broj: 01-02-2193/26
Lukavac, 03.08.2026.godine

Na osnovu člana 23. Statuta Grada Lukavac („Službeni glasnik grada Lukavac“ broj: 14/25) i člana 5. Uredbe o vršenju ovlaštenja u privrednim društvima s učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj 11/19), Gradsko vijeće Lukavac na 19. redovnoj sjednici održanoj dana 30.07.2026.godine, donijelo je

ODLUKU
o utvrđivanju prijedloga kandidata za imenovanje članova Nadzornog odbora
JP „Vodovod i kanalizacija“ d.o.o Lukavac

Član 1.

Ovom Odlukom Gradsko vijeće Lukavac utvrđuje prijedlog kandidata za imenovanje članova Nadzornog odbora JP „Vodovod i kanalizacija“ d.o.o Lukavac, kako slijedi:

1. Mr. Mirhat Đulić, dipl. ing. rudarstva,
2. Lejla Kadrić, BA ing. mašinstva,

Član 2.

U skladu s ovom Odlukom Skupština JP „Vodovod i kanalizacija“ d.o.o. Lukavac će donijeti Odluku o imenovanju članova Nadzornog odbora.

Član 3.

Imenovanje članova Nadzornog odbora vrši se na period do isteka mandata aktuelnom Nadzornom odboru JP „Vodovod i kanalizacija“ d.o.o. Lukavac.

Član 4.

Odluka stupa na snagu danom objavljivanja u „Službenom glasniku grada Lukavac“.

PREDSJEDAVAJUĆI
GRADSKOG VIJEĆA
Midhat Sarajlić, dipl.ecc., s.r.



Broj: 02-02-2166/26
Lukavac, 17.07.2026.godine

Na osnovu člana 136. Statuta grada Lukavca ("Službeni glasnik grada Lukavca", broj: 14/25), Budžeta Grada Lukavac za 2026. godinu („Službeni glasnik Grada Lukavac“, broj: 15/25, 5/26 i 8/26) i Odluke o izvršenju budžeta Grada Lukavac za 2026. godinu („Službeni glasnik Grada Lukavac“, broj: 15/25), Gradonačelnik Grada Lukavac donosi

IZMJENE PROGRAMA
utroška sredstava Transfera Službe za društvene djelatnosti i upravu Grada Lukavac za 2026. godinu

I

U Programu utroška sredstava Transfera Službe za društvene djelatnosti i upravu Grada Lukavac za 2026. godinu („Službeni glasnik grada Lukavac“, broj: 1/26 i 6A/26), tačka II mijenja se i glasi:

Stavka plana	O p i s	Izvor 1 - Sredstva budžeta	Izvor 2 - Kreditna sredstva	Izvor 3 - Namjenski prihod	Izvor 4 - Grantovi i donacije	Plan budžeta za 2026. godinu
614 000	Tekući transferi					
614 175	<i>Ostali transferi za zdravstvo</i>	105.000,00				105.000,00
614 175 01	Tekući grant JZU Dom Zdravlja Lukavac, za poboljšanje zdravstvenih usluga	105.000,00				105.000,00
614 181	<i>Transferi za Centre za socijalni rad</i>	709.960,00				709.960,00
614 181 01	JU Centar za socijalni rad: Tranša	709.960,00				709.960,00

614 181 02	JU Centar za socijalni rad: Izuzetna jednokratna pomoć za liječenje koje nije pokriveno zdravstvenim osiguranjem					
614 231	Beneficije za socijalnu zaštitu	21.000,00				21.000,00
614 231 01	Subvencija porodicama sa troje i više djece	21.000,00				21.000,00
614 232	Izdaci za vojne invalide, ranjene branioce i porodice poginulih branilaca				78.000,00	78.000,00
614 232 01	Troškovi prevoza boraca i članova njihovih porodica van područja TK. (izvor TK)				1.000,00	1.000,00
614 232 02	Transferi dobitnicima najvećih ratnih odlikovanja (izvor TK)				8.000,00	8.000,00
614 232 03	Liječenje boraca i članova njihovih porodica (izvor TK)				25.000,00	25.000,00
614 232 04	Transferi pojedincima BIZ (izvor TK)				40.000,00	40.000,00
614 232 05	Nabavka udžbenika (izvor TK)				4.000,00	4.000,00
614 234	Isplate stipendija	199.500,00				199.500,00
614 234 01	Stipendije studentima i učenicima	114.800,00				114.800,00
614 234 02	Stipendije uspješnim sportistima	20.000,00				20.000,00
614 234 03	Stipendije i nabavka udžbenika i školskog pribora i druge edukacije za učenike romske populacije	19.700,00				19.700,00

614234 04	Stipendiranje deficitarnih zanimanja	45.000,00				45.000,00
614 239	<i>Ostali transferi pojedincima</i>	351.550,00				351.550,00
614 239 01	Transfer za socijalne pomoći	20.000,00				20.000,00
614 239 02	Socijalne pomoći pojedincima u stanju potrebe	10.000,00				10.000,00
614 239 03	Prevenција protiv teških bolesti, liječenje i osiguranje neosiguranih lica, ostale intervencije u vezi sa liječenjem, troškovi dženaze/sahrane	65.550,00				65.550,00
614 239 04	Projekti prevencije maloljetničkog prestupništva	5.000,00				5.000,00
614 239 05	Transferi pojedincima za sufinansiranje najamnina za korištenje stanova po modelu neprofitno-socijalnog stanovanja	5.000,00				5.000,00
614 239 06	Transferi pojedincima za subvencioniranje kamate za stambeno zbrinjavanje mladih	25.000,00				25.000,00
614 239 07	Transferi pojedincima- Naknade za porođilje po rođenju djeteta	80.000,00				80.000,00
614 239 08	Transferi pojedincima za sufinansiranje toškova medicinski potpomognute oplodnje	38.000,00				38.000,00
614 239 09	Nagrade uspješnim učenicima generacije, uspješnim pojedincima u oblasti obrazovanja, kulture i sporta	16.000,00				16.000,00
614 239 10	Mobilnost mladih	8.000,00				8.000,00

614 239 11	Sportske članarine	9.000,00				9.000,00
614 239 12	Subvencioniranje mjesečnih karata učenicima iz socijalno ugroženih kategorija	20.000,00				20.000,00
614 239 13	Podrška pri odbrani doktorske disertacije po javnom pozivu	8.000,00				8.000,00
614 239 14	Podrška povratku prognanih osoba kroz stipendiranje učenika i studenata i sl.	7.000,00				7.000,00
614 239 15	Transfer za liječenje boračke populacije	35.000,00				35.000,00
614 253	Transfer pojedincima za troškove dženaza boraca i članova uže porodice (Izvor TK)				25.000,00	25.000,00
614 311	Transfer za kulturu	144.632,00				144.632,00
614 311 01	Memorijali koji se obilježavaju putem JU	4.000,00				4.000,00
614 311 02	Projekti za nevladin sektor, MZ i JU	9.632,00				9.632,00
614 311 03	Podrška KUD-ovima sa područja Grada Lukavac	20.000,00				20.000,00
614 311 04	Javni poziv za projekte OCD-a	50.000,00				50.000,00
614 311 05	Organizacija dana lokalne zajednice i druge manifestacije za obilježavanje značajnih datuma	50.000,00				50.000,00
614 311 06	Projekti iz oblasti književnog i umjetničkog stvaralaštva	10.000,00				10.000,00
614 311 07	Interventna sredstva iz oblasti kulture i umjetničkog stvaralaštva	1.000,00				1.000,00
614 311	Transfer za sport	761.065,00				761.065,00

614 311 08	Sportskim kolektivima proglašenim od interesa za grad FK Radnički Lukavac	188.144,00				188.144,00
614 311 09	Sportski savez	20.000,00				20.000,00
614 311 10	Klubovi vrhunskog i kvalitetnog sporta po kategorizaciji	280.000,00				280.000,00
614 311 11	Troškovi iznajmljivanja dvorane, bazena, ljekarski pregledi sportista i edukacija sportskih instruktora	40.000,00				40.000,00
614 311 12	Fudbalski savez Grada Lukavac	17.001,00				17.001,00
614 311 13	Memorijalni turniri	8.000,00				8.000,00
614 311 14	Ostali klubovi po kategorizaciji	4.000,00				4.000,00
614 311 15	Javni poziv u oblasti sporta	29.000,00				29.000,00
614 311 16	Sportskim kolektivima proglašenim od javnog interesa invalidni sport SKISO Sinovi Bosne Lukavac	63.534,00				63.534,00
614 311 17	Projekti u oblasti sporta	10.000,00				10.000,00
614 311 18	Savez i klubovi osoba sa invaliditetom po kategorizaciji	32.000,00				32.000,00
614 311 19	Savez osoba sa invaliditetom: Projekat Sportske igre mladih 2026.	53.386,00				53.386,00
614 311 20	Interventna sredstva	16.000,00				16.000,00
614 311	<i>Tekući transferi neprofitnim organizacijama</i>	451.454,00				451.454,00

614 311 20	Transfer za mjesne zajednice-tranša	194.939,00				194.939,00
614 311 21	Kinderzukunft RWS Turija - Dječije selo mira Turija	10.000,00				10.000,00
614 311 22	JU Centar za rehabilitaciju ovisnika o psihoaktivnim supstancama "Smoluća"	6.000,00				6.000,00
	Crveni križ Lukavac:					
614 311 23	Crveni križ za funkcionisanje udruženja	30.000,00				30.000,00
614 311 24	Crveni križ projekat „Starenje i zdravlje“	138.974,00				138.974,00
614 311 25	Transfer za pomoć sindikalnim organizacijama	15.500,00				15.500,00
614 311 26	HO "Merhamet" MDD	35.000,00				35.000,00
614 311 27	Vijeće mladih i prostor za mlade	5.500				5.500
614 311 28	Podrška udruženju penzionera Grada Lukavac	15.000,00				15.000,00
614 311 29	Podrška udruženju poslodavaca Općine Lukavac	541				541
	<i>Tekući transfeti javnim ustanovama</i>					
614 316	JU za odgoj i obrazovanje djece predškolskog uzrasta Lukavac:	657.232,00				657.232,00
614 316 01	JU za odgoj i obrazovanje djece predškolskog uzrasta Lukavac: Tranša	622.232,00				622.232,00
614 316 07	JU za odgoj i obrazovanje djece predškolskog uzrasta Lukavac: Obavezan vid predškolskog obrazovanja u osnovnim školama	25.000,00				25.000,00

614 316 08	JU za odgoj i obrazovanje djece predškolskog uzrasta Lukavac: Nabavka novogodišnjih paketića	10.000,00				10.000,00
614 319	<i>Tekući transferi vjerskim zajednicama</i>	47.250,00				47.250,00
614 319 01	Tekući transfer za Katoličku crkvu Investicije i razvoj	10.750,00				10.750,00
614 319 02	Tekući transfer za Pravoslavnu crkvu	10.750,00				10.750,00
614 319 03	Tekući transfer za Medžlis IVZ	25.750,00				25.750,00
614 322	<i>Tekući transfer za oblast nauke</i>	6.300,00				6.300,00
614 322	Tekući transfer za oblast nauke i izdavačku djelatnost	6.300,00				6.300,00
614 324	<i>Tekući transfer udruženjima građana</i>	131.781,00				131.781,00
614 324 01	Sredstva vladinim i nevladinim organizacijama u kategoriji sporazuma u partnerskim odnosima	45.821,00				45.821,00
614 324 02	SRD SMUD, Zaštita akumulacije jezera Modrac, prirodnog priraštaja ribljeg fonda i dr.	5.000,00				5.000,00
614 324 03	Sufinansiranje rada sigurne kuće „Vive Žene“	5.000,00				5.000,00
614 324 04	Podsticaj mladima	1.000,00				1.000,00
	UG "Mali svijet" Lukavac:					
614 324 05	UG "Mali svijet" Lukavac - Centar	31.000,00				31.000,00
614 324 06	UG "Mali svijet" Lukavac - Odjel za poremećaje u ponašanju	34.960,00				34.960,00

614 324 07	Gorska služba spašavanja Lukavac - GSS	9.000,00				9.000,00
614 329	<i>Ostali transferi neprofitnim organizacijama</i>	75.000,00				75.000,00
614 329 01	Turistička zajednica Grada Lukavac	75.000,00				75.000,00

II

Ovaj Program stupa na snagu danom donošenja i bit će objavljen u „Službenom glasniku Grada Lukavac“.

GRADONAČELNIK

dr. sc. Edin Delić, s.r.



Broj: 02-02-980/25-1
Lukavac: 15.07.2026. godine

Na osnovu člana 8. i člana 15. Zakona o principima lokalne samouprave u Federaciji BiH („Službene novine u Federaciji BiH“ broj 49/06 i 51/09), člana 10. Zakona o zaštiti okoliše koji („Službene novine Tuzlanskog kantona“, broj: 06/98 i 15/00), članova 41. i 108. Statuta Grada Lukavac - prečišćeni tekst („Službeni glasnik Općine Lukavac“ broj: 5/08 i 1/14), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“, broj: 37/24), Gradonačelnik donosi:

PRAVILNIK

o izmjeni Pravilnika o utvrđivanju uslova i kriterija u postupku odobravanja namjenskih sredstava za finansiranje projekata iz oblasti zaštite okoliša na području Grada Lukavac

Član 1.

U Pravilniku o utvrđivanju uslova i kriterija u postupku odobravanja namjenskih sredstava za finansiranje projekata iz oblasti zaštite okoliša na području Grada Lukavac (Službeni glasnik Grada Lukavac“, broj: 4/25), mijenja se član 9. stav (4) i glasi:

„ Na preliminarnu listu iz stava (3) ovog člana aplikanti imaju pravo prigovora u roku od 8 (osam) dana od dana objavljivanja preliminarne liste.
O prigovorima odlučuje Gradonačelnik i odluka po prigovorima je konačna.“

Član 2.

Ovaj Pravilnik stupa na snagu danom objave u „Službenom glasniku Grada Lukavac“.

GRADONAČELNIK

dr.sci.Edin Delić, s.r.



Na osnovu član 52. stav (1) tačka 4. Zakon o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 15. stav (1) tačke 8. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 7. stav 1. tačka c) Uredbe o načelima za utvrđivanje unutrašnje organizacije kantonalnih, gradskih i općinskih organa državne službe („Službene novine TK- a“, broj: 12/08), člana 39. Statuta Grada Lukavac („Službeni glasnik Grada Lukavac“, broj: 14/25) i člana 17. stav 1. tačka 10. Odluke o organizaciji i djelokrugu gradskih službi za upravu i drugih službi Jedinственог градског органа управе града Лукавца („Službeni glasnik grada Lukavac“, broj: 3/26) uz saglasnost Gradskog vijeća broj: 01-02-2001-6/26 od 01.07.2026. godine Gradonačelnik, donosi:

P R A V I L N I K
o izmjenama i dopunama Pravilnika unutrašnjoj organizaciji Jedinственог градског
organa управе Града Лукавца

Član 1.

U članu 11. Pravilnika o unutrašnjoj organizaciji Jedinственог градског органа управе Града Лукавца („Službeni glasnik grada Lukavac“, broj: 4/26) – (u daljem tekstu: Pravilnik) Služba za društvene djelatnosti i upravu, dodaje se tačka 1.2.2. Stručni savjetnik za upravno rješavanje iz oblasti matičnih knjiga i glasi:

“1.2.2. Stručni savjetnik za upravno rješavanje iz oblasti matičnih knjiga

Opis poslova:

- izvršava i osigurava izvršavanje zakona, drugih propisa i općih akata iz oblasti opće uprave, poslova prijemne kancelarije i pisarnice i ostale poslove iz nadležnosti Odsjeka
- utvrđene zakonom;
- izvršava i osigurava izvršavanje zakona, drugih propisa i općih akata iz oblasti opće uprave i ostale poslove iz nadležnosti Odsjeka utvrđene zakonom;
- izrađuje nacрте općih i pojedinačnih akata iz oblasti za koju je nadležan i osigurava njihovo provođenje u skladu sa zakonom;
- provodi utvrđenu politiku u skladu sa zakonom, odlukama Gradskog vijeća i Gradonačelnika;
- vodi upravni postupak u vezi sa primjenom Zakona o matičnim knjigama i Porodičnog zakona, Zakona o državljanstvu, podzakonskih akata iz ovih oblasti, vodi propisane službene evidencije i izdaje uvjerenja o činjenicama na osnovu službene evidencije;
- obavlja najsloženije poslove iz nadležnosti Odsjeka;
- prati propise iz nadležnosti Odsjeka i pruža uputstva i tumačenja tih propisa u cilju osiguranja zakonitosti akata kojima se rješava u upravnim stvarima i drugim poslovima iz okvira djelatnosti Odsjeka;
- vrši poslove građanskih stanja u vezi sa primjenom propisa o matičnim knjigama, ovjere prepisa, potpisa i rukopisa, te poslove u vezi sa biračkim spiskovima građana;
- priprema odgovarajuće informacije i izvještaje od značaja za rad Odsjeka;
- daje stručna mišljenja za primjenu zakona, drugih propisa i općih akata iz oblasti koja je u nadležnosti Odsjeka;
- izrađuje dio tenderske dokumentacije koji se odnosi na tehničke specifikacije javnih nabavki iz nadležnosti Odsjeka;
- izrađuje i predlaže procedure i uputstva, stara se o provođenju istih u djelokrugu poslova Odsjeka;

- učestvuje u radu komisija i postupcima javnih nabavki;
- učestvuje u radu povremenih i stalnih komisija koje imenuje Gradonačelnik;
- prati propise iz nadležnosti odsjeka i pruža stručna uputstva i tumačenja tih propisa u cilju osiguranja zakonitosti akata kojima se rješava u upravnim stvarima i drugim poslovima iz okvira djelatnosti Odsjeka;
- daje potrebna uputstva i prima prijave sa dokumentacijom osoba koje namjeravaju sklopiti brak;
- na svečani vrši način sklapanje braka;
- vrši cjelokupan unos i kompjutersku obradu podataka iz matičnih evidencija;
- poduzima radnje u slučaju nezakonitog naloga i postupa u skladu sa odredbama zakona, skreće pažnju izdavaocu naloga, te ukoliko davalac insistira na provođenju naloga traži pismenu potvrdu sa identitetom izdavaoca naloga i preciznim uputama, a u slučaju potvrđivanja nezakonitog naloga izvještava o nalogu organ koji je neposredno nadređen izdavaocu naloga, te ukoliko nalog ima elemente krivičnog djela odbija njegovo izvršavanje, dalje postupanje i prijavljuje nadležnom tužilaštvu i
- vrši druge poslove po nalogu Pomoćnika gradonačelnika i Šefa odsjeka.

Uslovi za vršenje poslova radnog mjesta: VSS/VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa najmanje 240 ECTS bodova, pravne ili upravne struke, stručni ispit za rad u organima državne službe i najmanje 3 godine radnog staža nakon završene visoke stručne spreme.

Posebni uslovi za vršenje poslova radnog mjesta: Posebni ispit za matičara mora se položiti u roku 6 (šest) mjeseci od dana postavljenja na radno mjesto.

Vrsta djelatnosti: poslovi osnovne djelatnosti

Naziv grupe poslova: studijsko-analički i stručno-operativni, upravno-nadzorni

Složenost poslova: najsloženiji poslovi

Status izvršioca poslova: državni službenik

Pozicija radnog mjesta: stručni savjetnik

Broj izvršilaca: 1 (jedan).“

Tačke od 1.2.2. do 1.2.13. postaju tačke od 1.2.3. do 1.2.14.

Član 2.

U članu 12. Pravilnika Služba za komunalne i inspeksijske poslove dodaje se tačka 2.2.2. i glasi:

“2.2.2. Stručni savjetnik za poslove hortikulture

Opis poslova:

- prati provođenje gradske politike u oblasti komunalnih djelatnosti sa posebnim akcentom na oblast hortikulture i oplemenjavanja urbanog prostora, rukovodeći se planovima i projektima razvoja gradske komunalne infrastrukture;
- učestvuje u izradi elaborata o korištenju javnih površina na području Grada;
- predlaže lokaciju, namjenu i način uređenja javnih površina na području Grada i vrši izradu idejnih rješenja;
- vrši uvidaj na licu mjesta, daje stručno mišljenje i nalaz o mogućnostima korištenja javnih površina;
- prikuplja podatke neophodne u postupku izdavanja rješenja za korištenje ljetnih bašti, izlaganja robe na privremene tezge, korištenja zelenih površina kod nadogradnje, reklamnih panoa, oglasa, plakata i održavanja pijaca, korištenje javne površine za privremeni smještaj građevinskog materijala i šuta;
- zapisnički konstatuje stvarne površine obveznika i odgovoran je za utvrđene podatke;
- vrši obračun naknade u postupku izdavanja rješenja iz prethodne alineje;
- periodično obavještava Pomoćnika gradonačelnika i Šefa odsjeka o utvrđenom stanju u oblasti načina korištenja javnih površina i predlaže mjere koje je neophodno preduzeti;

- koordinira aktivnosti iz oblasti hortikulture i korištenja javnih površina između nadležnih gradskih službi, Javnih preduzeća i drugih pravnih lica koji se bave komunalnim djelatnostima;
- ukazuje na potrebu donošenja programa i planova iz oblasti hortikulture i učestvuje u njihovoj izradi, te prati njihovo izvršenje;
- vrši pripremu tenderske dokumentacije i inicira postupak javne nabavke iz oblasti hortikulture;
- učestvuje u radu komisija i postupcima javnih nabavki;
- učestvuje u radu stalnih i povremenih komisija koje imenuje Gradonačelnik;
- vrši poslove pripreme, iniciranja postupka, praćenja i realizacije komunalnih projekata od strane Grada, Kantona i drugih subjekata;
- prati izvršavanje radova iz komunalne oblasti koje po ugovoru za Grad vrše pravna i fizička lica, a koji se izvode na javnim zelenim površinama (održavanje travnjaka, orezivanje drveća, sadnja cvijetnih gredica, drveća i grmlja, postavljanje vrtno-tehničkih elemenata, dopremanje, ugradnja i paniranje zemlje na zapuštenim parcelama i sl);
- po potrebi daje stručno mišljenje iz svoje oblasti u predmetima koje vode komunalni inspektori;
- vrši obradu Zahtjeva građana koji se odnose na tretiranje gradskog zelenila;
- poduzima radnje u slučaju nezakonitog naloga i postupka u skladu sa odredbama zakona, skreće pažnju izdavaocu naloga, te ukoliko davalac insistira na provođenju naloga traži pismenu potvrdu sa identitetom izdavaoca naloga i preciznim uputama, a u slučaju potvrđivanja nezakonitog naloga izvještava o nalogu organ koji je neposredno nadređen izdavaocu naloga, te ukoliko nalog ima elemente krivičnog djela odbija njegovo izvršavanje, dalje postupanje i prijavljuje nadležnom tužilaštvu;
- u skladu sa iskazanim potrebama učestvuje u obavljanju poslova iz nadležnosti Službe i Odsjeka i
- obavlja i druge poslove po nalogu Pomoćnika gradonačelnika i Šefa odsjeka.

Uslovi za vršenje poslova radnog mjesta: VSS/VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa najmanje 240 ECTS bodova, šumarske struke – odsjek Hortikultura, stručni ispit za rad u organima državne službe i najmanje 3 godine radnog staža u struci nakon završene navedene visoke stručne spreme.

Vrsta djelatnosti: poslovi osnovne djelatnosti

Naziv grupe poslova: stručno-operativni, studijsko-analitički poslovi

Složenost poslova: najsloženiji poslovi

Status izvršioca poslova: državni službenik

Pozicija radnog mjesta: stručni savjetnik

Broj izvršilaca: 1 (jedan)."

Član 3.

U članu 12. Pravilnika Služba za komunalne i inspeksijske poslove dodaje se tačka 2.2.3. i glasi:

„2.2.3. Stručni savjetnik za poslove saobraćaja

Opis poslova:

- vodi evidenciju javnih i nekategorisanih cesta, objekata, saobraćajne signalizacije i opreme na cestama;
- vrši poslove bezbjednosti saobraćaja, u smislu planiranja i održavanja vertikalne i horizontalne saobraćajne signalizacije, posebnih objekata za smanjenje brzine kretanja, zaštitnih ograda i sl.;
- koordinira aktivnosti iz oblasti saobraćaja između nadležnih službi, javnih preduzeća i drugih pravnih lica;
- vrši nadzor nad radom javnih preduzeća dok obavljaju povjerne im poslove iz saobraćajne oblasti;
- učestvuje u izradi nacrtu godišnjeg finansiranja;
- priprema prijedloge za planove i programe izgradnje i zaštite cesta i druge putne infrastrukture;

- priprema i realizira program mjera aktivnosti na unapređenju sigurnosti saobraćaja;
- prikuplja podatke i obavještava javnost o stanju cesta i načinu odvijanja saobraćaja;
- priprema tendersku dokumentaciju vezanu za cestovnu opremu na putevima;
- predlaže postavljanje horizontalne i vertikalne saobraćajne signalizacije;
- priprema tehničke detalje za izradu nacrt rješenja o visini naknade za korištenja cestovnog zemljišta;
- priprema tehničke detalje o izradi nacrt o postavljanju i uklanjanju saobraćajnih znakova i signalizacije na lokalnim cestama i gradskim ulicama;
- daje odobrenja za izgradnju objekta i instalacija na cesti, unutar cestovnog pojasa ceste, kao i u zaštitnom cestovnom pojasu;
- daje odobrenje za izgradnju novih autobusnih stajališta na već izgrađenim cestama;
- vrši koordinaciju u oblasti prevoza putnika u javnim prevoznim sredstvima na linijama unutar zona koje utvrđuje Grad i obavlja poslove vezane za usaglašavanje redova vožnje;
- daje odobrenje za poprečno postavljanje instalacije u trupu ceste;
- daje odobrenje za obustavljanje saobraćaja i/ili izmjenu režima saobraćaja;
- reguliše ograničenja i zabrane saobraćaja;
- kontroliše dokumentaciju i zakonsko izvršavanju radova prema ugovoru;
- učestvuje u radu komisija i postupcima javnih nabavki;
- učestvuje u radu stalnih i povremenih komisija koje imenuje Gradonačelnik;
- daje stručnu ocjenu o uvjetima i mogućnostima gradnje priključka i objekata u cestovnom i zaštitnom pojasu obzirom na zakonske uvjete;
- učestvuje u pripremi projektne dokumentacije;
- vrši poslove internog voditelja projekta horizontalne i vertikalne saobraćajne signalizacije;
- prati izvršenja radova po kvalitetu i kvantitetu u skladu sa ugovornom dokumentacijom;
- analiza prometa (po obimu i strukturi), snimanje saobraćajnog opterećenja;
- predlaže, pokreće i obrazlaže konkretna rješenja za poboljšanje sigurnosti pojedinih elemenata cesta u pojedinačnim slučajevima;
- sarađuje sa MUP-op i drugim institucijama po pitanju bezbjednosti saobraćaja;
- učestvuje u izradi kategorizacije puteva na području Grada;
- utvrđuje broj taksi stajališta;
- izrađuje nacрте saglasnosti/rješenja o korištenju taksi stajališta
- informiše pomoćnika gradonačelnika o stanju i problemima u oblasti Odsjeka i predlaže odgovarajuće mjere za otklanjanje problema i unapređenje postojećeg stanja;
- učestvuje u timskom radu sa drugim službenicima kada se radi o značajnim projektima infrastrukture i obnove kao i pri izradi projekata uređenja i projekata prostorno planske dokumentacije;
- učestvuje u radu stalnih i povremenih komisija koje imenuje Gradonačelnik;
- vodi propisane službene evidencije i izdaje uvjerenja o činjenicama na osnovu službene evidencije;
- izrađuje nacрте saglasnosti/rješenja iz oblasti lokalnih i nekategorisanih puteva i putnih pojasa;
- izrađuje nacрте saglasnosti/rješenja za utvrđivanje naknade za postavljanje instalacija, objekata i postrojenja, reklamih panoa u cestovnom pojasu lokalnih i nekategorisanih cesta;
- daje stručno mišljenje o postavljanju prepreka za smanjenje brzina na lokalnim putevima;
- poduzima radnje u slučaju nezakonitog naloga i postupka u skladu sa odredbama zakona, skreće pažnju izdavaocu naloga, te ukoliko davalac insistira na provođenju naloga traži pisemnu potvrdu sa identitetom izdavaoca naloga i preciznim uputama, a u slučaju potvrđivanja nezakonitog naloga izvještaja o nalogu organ koji je neposrednu nadređen izdavaocu naloga, te ukoliko nalog ima elemente krivičnog djela odbija njegovo izvršavanje, dalje postupanje i prijavljuje nadležnom tužilaštvu i
- obavlja i sve druge poslove po nalogu Pomoćnika gradonačelnika i Šefa odsjeka.

Uslovi za vršenje poslove radnog mjesta: VSS/VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa najmanje 240 ECTS bodova, saobraćajne struke, stručni ispit za rad u organima državne službe, najmanje 3 godine radnog staža u struci nakon završene navedene visoke stručne spreme.

Vrsta djelatnosti: poslovi osnove djelatnosti
Naziv grupe poslova: stručno-operativni, studijsko-analitički poslovi
Složenost poslova: najsloženiji poslovi
Status izvršioca poslova: državni službenik
Pozicija radnog mjesta: stručni savjetnik
Broj izvršilaca: 1 (jedan).“

Tačke od 2.2.2. do 2.2.7. postaju tačke od 2.2.4 do 2.2.9.

Član 4.

U članu 12. Pravilnika Služba za komunalne i inspekcijske poslove dodaje se tačka 2.3.2. i glasi:

„2.3.2. Stručni savjetnik za pravne poslove

Opis poslova:

- vodi najsloženije upravne postupke i druge postupke za koje su nadležni Služba i Odsjek;
- izrađuje opće i druge akte po nalogu Pomoćnika gradonačelnika i šefa Odsjeka;
- prati i primjenjuje propise iz oblasti komunalnih djelatnosti i ukazuje šefu Odsjeka na mjere koje treba poduzeti;
- izrađuje analize, izvještaje, informacije i druge materijale iz stambene oblasti;
- provodi utvrđenu politiku i izvršava zakone, druge propise i opće akte i s tim u vezi
- utvrđuje stanje u oblasti upravljanja i održavanja stambenog fonda i posljedica koje mogu nastati u toj oblasti;
- priprema i preduzima odgovarajuće mjere, radnje i postupke radi izvršavanja poslova iz ove oblasti, te preduzima mjere na sprečavanju nastanka štetnih posljedica, odnosno
- mjera, radnji i postupaka na otklanjanju štetnih posljedica;
- izrađuje analize, izvještaje, informacije i druge stručne i analitičke materijale o stanju u oblasti iz nadležnosti Službe i predlaže Šefu Odsjeka i Pomoćniku Gradonačelnika odgovarajuće mjere za uređivanje
- određenih pitanja kojima se osigurava potpuno provođenje utvrđene politike, izvršavanje
- zakona, drugih propisa i općih akata, kao i mjere za sprečavanje i otklanjanje štetnih
- posljedica;
- izrađuje rješenja o plaćanju komunalne naknade od strane fizičkih i pravnih lica, vodi i ažurira registar obveznika komunalne naknade, uspostavlja, izrađuje, vodi i održava
- evidencije pravnih lica koji su obveznici plaćanja komunalnih naknada;
- po potrebi vrši uviđaj na licu mjesta i prikuplja podatke neophodne u postupku izdavanja
- rješenja iz nadležnosti Službe i Odsjeka;
- izrađuje rješenja/saglasnost iz oblasti lokalnih i nekategorisanih puteva i putnih pojasa i za
- utvrđivanje naknade za postavljanje instalacija, objekata i postrojenja, reklamnih panoa u
- putni pojas lokalnih i nekategorisanih cesta;
- izrađuje rješenja o korištenju taksi-stajališta;
- izrađuje prvostepena rješenja za priključak za vodovodnu i kanizacionu mrežu,
- toplovodnu mrežu i sl.;
- izrađuje prvostepenih rješenja za izdavanje odobrenja za korištenje ljetnih bašti, izlaganja
- robe privremene tezge, korištenje zelenih površina kod nadogradnje, reklamni panoi,
- oglasi, plakati i održavanje pijaca, korištenje javne površine za privremeni smještaj
- građevinskog materijala i štuta vrši obračun naknade u postupku izdavanja ovih rješenja;
- vrši poslove u skladu sa odredbama Zakona o korištenju, upravljanju i održavanju
- zajedničkih djelova i uređaja zgrade i vodi evidenciju objekata i stanova u vlasništvu
- Grada i obavlja poslove vezane za zakup, korištenje i dodjelu stanova;
- provodi postupak izbora upravitelja i donosi rješenje o imenovanju prinudnog upravitelja;
- ostvaruje saradnju sa upraviteljima stambenih zgrada, naročito prilikom primopredaje
- stambenih zgrada na upravljanje između upravitelja i vodi evidenciju upravitelja stambenih
- zgrada;
- izrađuje nacрте prvostepenih rješenja iz stambene oblasti;
- izrađuje analize, izvještaje, informacije i druge materijale iz stambene oblasti;

- provodi utvrđenu politiku i izvršava zakone, druge propise i opće akte i s tim u vezi
- utvrđuje stanje u oblasti upravljanja i održavanja stambenog fonda i posljedica koje mogu nastati u toj oblasti;
- vodi postupak radi utvrđivanja činjenica o kojima se ne vodi službena evidencija i izdaje odgovarajuća uvjerenja o tim činjenicama, kao i o činjenicama o kojima se vodi službena evidencija;
- učestvuje u radu komisija i postupcima javnih nabavki;
- učestvuje u radu stalnih i povremenih komisija koje imenuje Gradonačelnik;
- poduzima radnje u slučaju nezakonitog naloga i postupa u skladu sa odredbama zakona, skreće pažnju izdavaocu naloga, te ukoliko davalac insistira na provođenju naloga traži pismenu potvrdu sa identitetom izdavaoca naloga i preciznim uputama, a u slučaju potvrđivanja nezakonitog naloga izvještava o nalogu organ koji je neposredno nadređen izdavaocu naloga, te ukoliko nalog ima elemente krivičnog djela odbija njegovo izvršavanje, dalje postupanje i prijavljuje nadležnom tužilaštvu;
- obavlja i druge poslove vezane za oblast komunalnih naknada i
- obavlja i druge poslove po nalogu Pomoćnika gradonačelnika i Šefa odsjeka.

Uslovi za vršenje poslova radnog mjesta: VSS/VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa najmanje 240 ECTS bodova, pravne ili upravne struke, stručni ispit za rad u organima državne službe i najmanje 3 godina radnog staža u struci nakon završene navedene visoke stručne spreme.

Vrsta djelatnosti: poslovi osnovne djelatnosti

Naziv grupe poslova: studijsko-analitički i stručno-operativni, upravno-nadzorni

Složenost poslova: najsloženiji poslovi

Status izvršioca poslova: državni službenik

Pozicija radnog mjesta: stručni savjetnik

Broj izvršilaca: 1 (jedan).“

Tačke od 2.3.2. do 2.3.5. postaju tačke od 2.3.3. do 2.3.6.

Član 5.

U članu 12. Pravilnika Služba za komunalne i inspekcijske poslove u tački 2.3.2. Stručni saradnik za pravne poslove riječi: „2 (dva)“, zamjenjuju se riječima: „1 (jedan)“.

Član 6.

U članu 12. Pravilnika Služba za komunalne i inspekcijske poslove u tački 2.3.4. Samostalni referent za komunalne naknade riječi „ekonomske struke“ zamjenjuju se riječima „društvenog smjera“

Član 7.

U članu 13. Pravilnika Služba za urbanizam, imovinske i geodetske poslove dodaje se nova tačka 3.4.3 i glasi:

“3.4.3. Stručni saradnik za održavanje DGP-a, katastra podzemnih instalacija i katastra zemljišta

Opis poslova:

- obavlja poslove koji se odnose na uspostavu, ažuriranje i primjenu programa i baza podataka koji se koriste u geodetskom odsjeku;
- vrši snimanje komunalnih uređaja, premjeravanje zemljišta i objekata i utvrđivanje nastalih promjena na zemljištu i objektima shodno zakonima i pravilnicima iz ove oblasti;
- vrši poslove parcelacije zemljišta, snimanje parcela, diobe i cijepanje parcela;
- vrši izradu kopija katastarskih planova i posjedovnih listova;
- vrši računanje površina snimljenih detalja sa originalnih planova na indikacione skice;

- vrši snimanje komunalnih uređaja, ukopava, mjerih tačaka, računa poligone tačke, skice opisa i skice premjeravanja;
- kontinuirano vrši ispravku grešaka u katastarskom operatu;
- obrađuje zadužen predmete do zaključenja istog te skenira akte iz spisa i unosi u elektronsku bazu;
- vrši usaglašavanje starog i novog premjera;
- učestvuje u postupcima harmonizacije katastra i zemljišne knjige;
- vrši numerisanje parcela, računanje površina i izradu prijavnih listova;
- vrši provođenje premjera na planovima, kartama i elaboratima;
- obavlja stručne poslove iz oblasti geodezije za potrebe organa uprave;
- vrši radnje u postupku dodjele građevinskog zemljišta i eksproprijacije,
- uspostavlja, izrađuje, vodi i održava evidenciju iz oblasti geodetskih poslova;
- učestvuje u radu komisija i postupcima javnih nabavki;
- učestvuje u radu stalnih i povremenih komisija koje imenuje Gradonačelnik;
- poduzima radnje u slučaju nezakonitog naloga i postupa u skladu sa odredbama zakona, skreće pažnju izdavaocu naloga, te ukoliko davalac insistira na provođenju naloga traži pismenu potvrdu sa identitetom izdavaoca naloga i preciznim uputama, a u slučaju potvrđivanja nezakonitog naloga izvještava o nalogu organ koji je neposredno nadređen izdavaocu naloga, te ukoliko nalog ima elemente krivičnog djela odbija njegovo izvršavanje, dalje postupanje i prijavljuje nadležnom tužilaštvu i
- obavlja i druge poslove po nalogu Pomoćnika gradonačelnika i Šefa odsjeka.

Uslovi za vršenje poslova radnog mjesta: VSS/VII stepen stručne spreme, odnosno visoko obrazovanje najmanje prvog ciklusa Bolonjskog studiranja koji se vrednuje sa najmanje 180 ECTS bodova, geodetske struke, poznavanje rada na računaru, stručni ispit za rad u organima državne službe i najmanje 1 godina radnog staža u struci, ostvarenog nakon završene visoke stručne spreme.

Vrsta djelatnosti: poslovi osnovne djelatnosti nakon završene visoke stručne spreme.

Naziv grupe poslova: stručno operativni

Složenost poslova: složeni poslovi

Status izvršioca poslova: državni službenik

Pozicija radnog mjesta: stručni saradnik

Broj izvršilaca: 1 (jedan).“

Tačke od 3.4.3. do 3.4.5. postaju tačke 3.4.4. do 3.4.6.

Član 8.

U članu 17. Pravilnika Služba za privredu i zaštitu okoliša naziv radnog mjesta „7.3.3. Viši stručni saradnik za poslove poljoprivrede i vodoprivrede“ mijenja se i glasi: „7.3.3. Viši stručni saradnik za poslove poljoprivrede i prirodne resurse“.

Član 9.

U članu 20. Pravilnika Stručna Služba Gradonačelnika u tački „9.3.3. Stručni saradnik za protokol, informisanje i administrativno tehničke poslove“, riječi „društvenog smjera - filozofski fakultet“, zamjenjuju se riječima „društvenog smjera“, dok se riječi „vise“ zamjenjuju riječju „visoke“.

U istom članu dodaje se nova tačka 9.2.5. i glasi:

“9.2.5. Viši stručni saradnik za administrativne i organizacione poslove

Opis poslova:

- učestvuje u pripremi i obradi administrativnih materijala za potrebe Gradonačelnika i Stručne službe
- organizuje i koordinira administrativne aktivnosti u vezi sa radom Službe
- prati realizaciju zaključaka, odluka i naloga Gradonačelnika i vodi odgovarajuće evidencije o njihovom izvršenju

- priprema informacije, izvještaje i analize iz djelokruga rada Stručne službe
- vodi i ažurira evidencije, registre i baze podataka iz nadležnosti Službe
- vrši administrativnu obradu, razvrstavanje i distribuciju akata i pošte u odsustvu Višeg referenta ili Referenta za administrativno-tehničke poslove;
- učestvuje u pripremi i organizaciji sastanaka i radnih dogovora Gradonačelnika (administrativno-tehnička podrška)
- sarađuje sa gradskim službama, javnim ustanovama, preduzećima i drugim institucijama u cilju prikupljanja i razmjene podataka
- učestvuje u pripremi materijala za Gradsko vijeće, Gradonačelnika i rukovodioca Službe
- učestvuje u izradi internih evidencija i jednostavnijih akata administrativne prirode
- obrađuje putne naloge i vodi evidenciju službenih putovanja
- vodi evidenciju prisustva zaposlenih i izrađuje izvode iz evidencije
- učestvuje u radu komisija i radnih tijela iz djelokruga Stručne službe
- pruža administrativnu i organizacionu podršku u realizaciji službenih aktivnosti Gradonačelnika (bez poslova protokola koji su u nadležnosti posebnog Odsjeka)
- obavlja i druge poslove po nalogu Gradonačelnika i rukovodioca Stručne službe

Uslovi za vršenje poslova radnog mjesta: VSS/VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa najmanje 240 ECTS bodova društvenog, prirodnog ili tehničkog smjera, položen stručni ispit i najmanje 2 godine radnog staža u struci, nakon završene visoke stručne spreme.

Vrsta djelatnosti: poslovi osnovne djelatnosti

Naziv grupe poslova: administrativni, organizacioni i opšti poslovi

Složenost poslova: složeniji poslovi

Status izvršioca poslova: državni službenik

Pozicija radnog mjesta: viši stručni saradnik

Broj izvršilaca: 1 (jedan)."

Član 10.

Izmjene i dopune Pravilnika stupaju na snagu danom objave u Službenom glasniku Grada Lukavac.

GRADONAČELNIK

Broj: 02-02-1785/26
Lukavac, 01.07.2026. godine

dr.sci.Edin Delić, s.r.



Broj: 02-02-2321/26
Lukavac, 31.07.2026. godine.

Na osnovu Statuta Grada Lukavac („Službeni glasnik Grada Lukavac“ broj: 14/25), Budžeta Grada Lukavac za 2026. godinu („Službeni glasnik Grada Lukavac“, broj: 15/25, 5/26, 8/26), člana 22. Odluke o izvršenju budžeta Grada Lukavac za 2026. godinu („Službeni glasnik Grada Lukavac“, broj: 15/25), Programa utroška sredstava transfera Službe za društvene djelatnosti i upravu Grada Lukavac za 2026. godinu („Službeni glasnik Grada Lukavac“, broj: 1/26, 6a/26), člana 2. stav. 2., Odluke o dodjeli stipendija učenicima i studentima sa prebivalištem na području grada Lukavac za 2026. godinu („Službeni glasnik Grada Lukavac“ broj: 4/26), Gradonačelnik d o n o s i:

O D L U K U

o dodjeli dodatnih stipendija učenicima i studentima

Član 1.

Ovom Odlukom se utvrđuje iznos i postupak za dodjelu finansijskih sredstava u svrhu finansiranja dodatnih stipendija učenicima i studentima koji ispunjavaju opšte uslove Javnog poziva za dodjelu stipendija.

Član 2.

Dodjeljuje se dodatni iznos od 61.150,00 (šezdesetjedadstopepetdeset KM 00/100 pfeninga), u svrhu isplate stipendija učenicima i studentima koji ispunjavaju opšte uslove Javnog poziva za dodjelu stipendija učenicima, studentima, i učenicima studentima uspješnim sportistima sa prebivalištem na području grada Lukavac broj: 02-34-1090/26 od 13.04.2026. godine za isplatu dodatnih stipendija učenicima i studentima koji ispunjavaju opšte uslove.

Član 3.

Dodjeljuje se dodatni iznos od 4.300,00 (četirihijadeitristo KM 00/100 pfeninga), u svrhu isplate stipendija učenicima i studentima uspješnim sportistima koji ispunjavaju opšte uslove Javnog poziva za dodjelu stipendija učenicima, studentima, i učenicima studentima uspješnim sportistima sa prebivalištem na području grada Lukavac broj: 02-34-1090/26 od 13.04.2026. godine, za isplatu dodatnih stipendija za učenike sportiste individualnih sportova i učenike sportiste kolektivnih sportova.

Član 4.

Za realizaciju ove Odluke, zadužuje se Služba za društvene djelatnosti i upravu i Služba za budžet i finansije i ujedno se obavezuje da obustavi od izvršenja Odluku, ukoliko stručno ocijeni da ista ne sadrži sve finansijske elemente neophodne za njenu realizaciju.

Član 5.

Ova odluka stupa na snagu danom donošenja, a objavit će se u Službenom glasniku Grada Lukavac.

Obrađivač: Ž. Zombra



POMOĆNIK GRADONAČELNIKA

Mirela Bubić, dipl. pravnik

GRADONAČELNIK

dr. sc. Edin Delić

Dostaviti:

1. Službeni glasnik 2X
2. Služba za društvene djelatnosti i upravu;
3. Evidencija 2 x;
4. a/a.

Bosna i Hercegovina
FEDERACIJA BOSNE I HERCEGOVINE
USTAVNI SUD
FEDERACIJE BOSNE I HERCEGOVINE

Broj: U-18/25
Sarajevo, 6.5.2026. godine

Ustavni sud Federacije Bosne i Hercegovine, odlučujući o zahtjevu Premijera Federacije Bosne i Hercegovine za ocjenu ustavnosti čl. 3., 5., 6. i 7. Odluke o visini naknade za korištenje javnih površina, na osnovu člana IV.C.3.10.(2) d) Ustava Federacije Bosne i Hercegovine, na sjednici bez javne rasprave održanoj dana 6.5.2026. godine, donio je

P R E S U D U

Utvrđuje se da odredbe člana 5. stav 1. u dijelu koji glasi „na godišnjem nivou“, stav 2. u dijelu koji glasi „za svaku narednu godinu“, stav 3. u dijelu koji glasi „godišnjem“ i član 6. stav 1. u dijelovima koji glase „za svaku godinu“, „za narednu godinu“ Odluke o visini naknade za korištenje javnih površina („Službeni glasnik Grada Lukavac“, broj: 6/25), nisu u skladu sa Ustavom Federacije Bosne i Hercegovine.

Presudu objaviti u „Službenim novinama Federacije BiH“ i „Službenom glasniku Grada Lukavac“.

O b r a z l o ž e n j e

1. Podnosilac zahtjeva i predmet zahtjeva

Premijer Federacije Bosne i Hercegovine (u daljem tekstu: podnosilac zahtjeva) podneskom broj: 01-01-424-1/25 od 23.7.2025. godine, podnio je Ustavnom sudu Federacije Bosne i Hercegovine (u daljem tekstu: Ustavni sud Federacije) zahtjev za ocjenu ustavnosti čl. 3., 5., 6. i 7. Odluke o visini naknade za korištenje javnih površina (u daljem tekstu: osporene odredbe Odluke odnosno Odluka).

2. Stranke u postupku

U skladu sa članom 39. stav 1. Zakona o postupku pred Ustavnim sudom Federacije Bosne i Hercegovine ("Službene novine Federacije BiH", br.: 6/95 i 37/03), stranke u ovom ustavnosudskom postupku su: podnosilac zahtjeva i Gradsko vijeće Lukavac, kao donosilac Odluke.

3. Bitni navodi zahtjeva

Podnosilac zahtjeva navodi da se u osporenoj odredbi člana 3. Odluke u dijelu kojom je utvrđena obaveza plaćanja naknade za korištenje, održavanje i trajno zauzimanje javnih površina, izdvajaju isključivo vlasnici postavljenih podzemnih i nadzemnih instalacija i vodova (PTT, elektro vodova, vodova kablovskih operatera i sl), jer su obavezni platiti naknadu na cijelom području Grada Lukavac, dok svi ostali subjekti plaćaju komunalnu naknadu na uređenom gradskom zemljištu. U nastavku zahtjeva podnosilac citira sadržaj osporenih čl. 5., 6. i 7. Odluke, te ističe da izgradnja elektromreže doprinosi samom uređenju građevinskog

zemljišta, za koje se može utvrditi komunalna naknada. Dalje navodi, da se u slučaju kada se radi o instalacijama za prijenos električne energije ili distribuciju električne energije putem nadzemnih vodova ili kablova, ne radi o korištenju površine građevinskog zemljišta, nego samo o jednokratnom uskom zauzimanju uskog podzemnog ili nadzemnog dijela tog zemljišta radi polaganja, odnosno postavljanja tih instalacija. Smatra da nametanje ovakvih naknada, gubi karakter jednokratne naknade koju obaveznik plaća na ime neke usluge od strane državnog organa i poprima karakter parafiskalnog nameta, kojima se periodično zahvata u imovinu odnosno dohodak obaveznika i to po stopi koja se utvrđuje proizvoljno, na bazi anticipiranog dohotka koji ostvaruju privredni subjekti koji obavljaju djelatnost u pomenutim oblastima. Iz osporenih odredbi Odluke proističe da je godišnja obaveza plaćanja predmetne naknade usmjerena na, između ostalih, pravna lica koja vrše djelatnost distribucije i snabdijevanja električnom energijom putem elektroenergetskih vodova. Propisivanjem naknade kao u osporenim odredbama Odluke, privredni subjekti od javnog interesa dovode se u neravnotežan položaj u smislu utvrđenih obaveza u odnosu na druge privredne subjekte, čime se onemogućava ostvarivanje ustavom zagaranatovanog prava na jednakost pred zakonom. Smatra da vrsta djelatnosti prema utvrđenoj sudskoj praksi Ustavnog suda Federacije, ne može biti kriterij za određivanje visine komunalne takse, jer je korištenje tog kriterija protivno ustavnoj garanciji jednakosti pred zakonom, te da je Gradsko vijeće Lukavac kao donosilac Odluke, propisujući godišnju obavezu plaćanja predmetne naknade, ušlo u nedozvoljenu sferu oporezivanja stalnih materijalnih sredstava za rad privrednih subjekata i na taj način prekoračilo svoja ovlaštenja, postupivši suprotno odredbama člana III.1.c) Ustava Federacije Bosne i Hercegovine.

Imajući u vidu praksu Ustavnog suda Federacije, smatra da je u konkretnom slučaju povrijeđen član II.A.2.(1) c) Ustava Federacije Bosne i Hercegovine, te predlaže da Ustavni sud Federacije donese presudu kojom će utvrditi da osporene odredbe Odluke nisu u skladu sa Ustavom Federacije Bosne i Hercegovine.

4. Bitni navodi odgovora na zahtjev

U skladu sa članom 16. Zakona o postupku pred Ustavnim sudom Federacije Bosne i Hercegovine, Ustavni sud Federacije je aktom broj: U-18/25 od 31.7.2025. godine, zatražio od Gradskog vijeća Lukavac da, kao druga strana u postupku, dostavi odgovor na zahtjev podnosioca, kao i da razjasni definiciju korisnika javnih površina iz člana 2. stav 3. Odluke, odnosno da odgovori na koja se pravna ili fizička lica, osim vlasnika podzemnih i nadzemnih instalacija, odnosi navedeni član Odluke.

Gradsko pravobranilaštvo Grada Lukavac je dana 12.9.2025. godine, dostavilo odgovor na zahtjev u kojem najprije citira odredbe čl. 2. i 3. Odluke. Potom navodi da je vidljivo da se Odluka odnosi na regulisanje, odnosno normiranje korištenja javnih površina kojima se vrši njihovo dugotrajno zauzimanje, a samim time i umanjuje njihova vrijednost, te otežava njihovo korištenje. Dalje ističe da je korištenje javnih površina u smislu njihovog privremenog zauzimanja (npr. postavljanja tezgi, ljetnih bašta, robe ispred izloga radnje i sl.) odvojeno normirano posebnom Odlukom o komunalnim taksama („Službeni glasnik Općine Lukavac“, br.: 10/09, 2/10, 3/16, 10/16, 8/17, 3/21 i 7/21 i „Službeni glasnik Grada Lukavac“, br.: 3/24, 5/24, 12/24, 3/25 i 6/25), jer njihova „težina“ zauzimanja nije ista, i samim tim što se radi o objektima koji su na javnu površinu postavljeni privremeno (uglavnom ne duže od tri mjeseca), za razliku od postavljanja instalacija koji javnu površinu zauzimaju na duži period, ako ne i trajno. Na kraju ističe, da Grad Lukavac naplaćuje naknadu za korištenje javne površine na vlastitom području i svim drugim pravnim i fizičkim licima koja radi ostvarivanja svojih poslovnih interesa imaju potrebu za njihovim postavljanjem i popravkom na javnim površinama, a ne samo vlasnicima podzemnih i nadzemnih instalacija, bez obzira da li se radi o elektroenergetskim, kablovskim ili telekomunikacijskim vodovima i cjevovodima.

5. Relevantno pravo

A. Ustav Federacije Bosne i Hercegovine

Član III.1.tač. b) i c)

U isključivoj su nadležnosti Federacije:

b) utvrđivanje ekonomske politike, uključujući planiranje i obnovu, te politiku korištenja zemljišta na federalnom nivou,

c) donošenje propisa o finansijama i finansijskim institucijama Federacije i fiskalna politika Federacije,

Član IV.C.3.10.(2) d)

(2) Ustavni sud:

d) na zahtjev premijera, ili kantona, utvrđuje da li neki predloženi ili usvojeni propis koje je donijelo neko tijelo kantonalne, gradske ili općinske vlasti u skladu sa ovim ustavom.

B. Zakon o pripadnosti javnih prihoda u Federaciji Bosne i Hercegovine

("Službene novine Federacije BiH", br.: 22/06, 43/08, 22/09, 35/14, 94/15 i 17/22)

Član 13. stav 1. tačka c) i stav 4.

Učešće jedinica lokalne samouprave u ostalim javnim prihodima

Pored udjela u raspodjeli prihoda iz člana 6. ovog Zakona, jedinicama lokalne samouprave pripadaju i drugi javni prihodi kako slijedi:

c) naknade i takse u skladu sa propisima jedinica lokalne samouprave;

Općinska vijeća donose propise kojima se utvrđuje visina naknada po osnovu korištenja i uređenja zemljišta, kao i visina drugih naknada, novčanih kazni i taksi u njihovoj nadležnosti.

C. Zakon o principima lokalne samouprave u Federaciji Bosne i Hercegovine

("Službene novine Federacije BiH", br.: 49/06 i 51/09)

Član 8. stav 3. alineja 20.

U vlastite nadležnosti jedinice lokalne samouprave posebno spadaju:

- donošenje propisa o porezima, naknadama, doprinosima i taksama iz nadležnosti jedinice lokalne samouprave;

Član 37. stav 1. tačka a) alineje 2.

Jedinicama lokalne samouprave pripadaju prihodi:

a) vlastiti prihodi:

- lokalne takse i naknade čije iznose utvrđuje vijeće u skladu sa zakonom,

D. Odluka o visini naknade za korištenje javnih površina

(„Službeni glasnik Grada Lukavac“, broj: 6/25)

Član 3. - osporena odredba Odluke

Lica iz člana 2. stav 3. ove Odluke dužna su za korištenje javnih površina platiti naknadu, kao protuvrijednost za njihovo:

a) korištenje (korištenje javnih površina za vlastite potrebe u svrhu obavljanja registrovane djelatnosti i povećanja dobiti, naknada štete nastale prekopavanjem javnih

površina, koje nakon toga se ne mogu dovesti u stanje identično onome kakvo je bilo prije izvršenih radova, te samim time te površine gube na vrijednosti i sl.),

b) održavanje (održavanje javne površine u stanju da korisnici u svako doba imaju mogućnost pristupa postavljenim instalacijama, kao što su čišćenje, košenje, krčenje i sl.),

c) trajno zauzimanje (budući da iste postaju neupotrebljive za izvođenje kasnijih zahvata, uključujući i investicione radove, te se npr. izgradnja planiranih objekata mora dislocirati, mijenjati trase i sl.).

Član 5. - osporena odredba Odluke

Naknada za prekopanu javnu površinu radi postavljanja i popravke podzemnih i nadzemnih instalacija utvrđuje se na godišnjem nivou po zonama kako slijedi:

1. Zona I i Zona II:

- za podzemne elektroenergetske, kablovske i telekomunikacijske vodove i cjevovode 6,00 KM/m,

- za nadzemne elektroenergetske, kablovske i telekomunikacijske vodove i cjevovode 1,00 KM/m,

2. Zona III i Zona IV:

- za podzemne elektroenergetske, kablovske i telekomunikacijske vodove i cjevovode 3,00 KM/m,

- za nadzemne elektroenergetske, kablovske i telekomunikacijske vodove i cjevovode 0,90 KM/m,

3. Zona V, Zona VI:

- za podzemne elektroenergetske, kablovske i telekomunikacijske vodove i cjevovode 2,00 KM/m,

- za nadzemne elektroenergetske, kablovske i telekomunikacijske vodove i cjevovode 0,80 KM/m,

4. Ostalo građevinsko zemljište:

- za podzemne elektroenergetske, kablovske i telekomunikacijske vodove i cjevovode 1,00 KM/m,

- za nadzemne elektroenergetske, kablovske i telekomunikacijske vodove i cjevovode 0,70 KM/m,

5. Naknada za prekopavanje asfaltirane saobraćajnice po širini plaća se u iznosu od 500,00 KM, a podbušivanje asfaltirane saobraćajnice obračunava se po dužnom metru zavisno od građevinske zone.

Naknada iz stava 1. ovog člana plaća se jednokratno za tekuću godinu u kojoj je postavljena podzemna ili nadzemna instalacija, a za svaku narednu godinu plaća se u iznosu od 0,60 KM/m bez obzira na građevinsku zonu.

Naknada za već postavljanje podzemne i nadzemne elektroenergetske, kablovske, telekomunikacijske vodove i cjevovode plaća se u godišnjem iznosu od 0,50 KM/m.

Član 6. - osporena odredba Odluke

Naknada za postavljanje podzemnih i nadzemnih instalacija utvrđuje se od trenutka postavljanja iste na javnu površinu, a naknada za popravak podzemnih i nadzemnih instalacija od dana izdavanja Rješenja, s tim da se naknada za svaku godinu mora izmiriti najkasnije do 31. decembra tekuće godine za narednu godinu.

Naknada iz člana 5. ove Odluke ne plaća se za instalacije koje su 100% u vlasništvu grada Lukavac, kao i instalacije koje su u vlasništvu javnih preduzeća kojima je osnivač grad Lukavac.

Član 7. - osporena odredba Odluke

Prekopanu asfaltiranu saobraćajnicu korisnik je dužan vratiti u prvobitno stanje, a za podbušivanje dati garanciju od slijeganja i oštećenja u periodu od dvije godine od dana izvođenja radova.

Obaveza vlasnika podzemnih i nadzemnih instalacija – vodova je da u slučaju promjene namjene javne površine, rekonstrukcije ili vršenja radova investicijskog održavanja koji iziskuju premještanje postojećih instalacija o svom trošku izmjestе postavljene instalacije.

6. Sudska praksa Ustavnog suda Federacije

Presude Ustavnog suda Federacije br.: U-13/20 od 13.10.2021. godine ("Službene novine Federacije BiH", broj: 97/21), U-49/23 od 23.10.2024. godine ("Službene novine Federacije BiH", broj: 98/24) i U-23/25 od 8.4.2026. godine ("Službene novine Federacije BiH", broj: 35/26).

7. Činjenično stanje i stav Ustavnog suda Federacije

Nakon analize navoda iz zahtjeva, odgovora na zahtjev, osporenih odredbi Odluke i cjelokupne dokumentacije u spisu predmeta, u svjetlu relevantnog prava i uzimajući u obzir ustavnosudsku praksu ovog suda, utvrđeno je kako slijedi.

Podnosilac zahtjeva je u skladu sa odredbom člana IV.C.3.10.(2) d) Ustava Federacije Bosne i Hercegovine, lice ovlašteno za podnošenje ovog zahtjeva za utvrđivanje ustavnosti.

Gradsko vijeće Lukavac je na sjednici održanoj dana 29.5. i 4.6.2025. godine donijelo Odluku kojom je propisalo uslove, način utvrđivanja i visinu naknade za korištenje javnih površina. Podnosilac zahtjeva osporava odredbe čl. 3., 5., 6. i 7. Odluke.

Osporenim odredbom člana 3. Odluke najprije se propisuje obaveza plaćanja naknade za korištenje javnih površina, dok se u nastavku norme određuje svrha te naknade kroz njeno vezivanje za korištenje, održavanje i trajno zauzimanje javne površine. Ustavni sud Federacije nije ispitivao ustavnost dijela osporene odredbe Odluke kojim se propisuje sama obaveza plaćanja naknade, jer je prema praksi Ustavnog suda Federacije neustavno njeno periodično, odnosno godišnje propisivanje. Prema tome, neustavnost se odnosi na periodični karakter propisivanja obaveze plaćanja naknade. Dio odredbe kojim se utvrđuje svrha naknade ima pretežno opisni karakter i kao takav ne može dovesti do povrede odredbi Ustava Federacije Bosne i Hercegovine, zbog čega nije razmatran sa aspekta ustavnosti.

U osporenim članu 5. Odluke utvrđena je visina naknade, kako jednokratno, tako i na godišnjem nivou, po zonama i metru dužnom, za kopanu javnu površinu radi postavljanja i popravke podzemnih i nadzemnih elektroenergetskih, kablovskih i telekomunikacijskih instalacija. Iz navedenog proizlazi da je propisivanje naknade ograničeno na određenu kategoriju subjekata, odnosno na privredne subjekte koji obavljaju djelatnosti od javnog interesa, te da se ista, plaća i periodično na godišnjem nivou.

Novčana naknada propisana u osporenim članu 5. Odluke, koja se plaća periodično na godišnjem nivou za postavljanje podzemnih i nadzemnih instalacija na javnim površinama na području Grada Lukavac, u stvarnosti predstavlja parafiskalni namet, kako ga i određuje finansijska teorija. Ako takvu činjenicu postavimo u poredbeni ravan sa odredbama Ustava Federacije Bosne i Hercegovine koje određuju da u isključivu nadležnost Federacije, između ostalog, spada utvrđivanje ekonomske i fiskalne politike, te donošenje propisa o finansijama i finansijskim institucijama, a da prema tako uspostavljenoj distribuciji ustavnih ovlaštenja zakonodavac na nivou Federacije Bosne i Hercegovine nije izričito zakonom ovlastio jedinice lokalne samouprave za donošenje lokalnih propisa i utvrđivanje poreznih obaveza u oblasti postavljanja i popravke nadzemnih i podzemnih instalacija, onda je sasvim jasno da je donosilac osporene Odluke takvim normiranjem ove naknade izašao iz okvira svojih zakonskih ovlaštenja,

postupivši suprotno odredbama člana III.1. b) i c) Ustava Federacije Bosne i Hercegovine. Pri tome, odredbe člana 37. stav 1. tačka a) alineje 1. i 2. Zakona o principima lokalne samouprave ("Službene novine Federacije BiH", br.: 49/06 i 51/09), kojima se propisuje da jedinicama lokalne samouprave pripadaju vlastiti prihodi, među kojima i porezi i lokalne takse, ne daju jedinicama lokalne samouprave opće pravo i slobodu da proizvoljno svojim odlukama utvrđuju parafiskalne namete u bilo kojoj društvenoj oblasti, nego pretpostavlja samo okvirnu mogućnost donošenja takvih lokalnih propisa, ali tek pod uslovom da im Federacija Bosne i Hercegovine, kao isključivi nosilac prava utvrđivanja fiskalne politike, to omogući svojim zakonima.

Imajući u vidu da jedinice lokalne samouprave nemaju ustavni osnov za propisivanje ovakve naknade, Ustavni sud Federacije nije ispitivao navodne povrede člana II.A.2.(1) c) Ustava Federacije Bosne i Hercegovine u kontekstu osporenog člana 6. stav 2. Odluke, koji se odnosi na oslobađanje od obaveze plaćanja naknade, niti člana 7. Odluke, koji je odredba tehničke prirode.

Na osnovu naprijed navedenog, odlučeno je kao u izreci presude.

Ovu presudu Ustavni sud Federacije donio je u sastavu: Aleksandra Martinović, predsjednica Suda, Vesna Budimir, prof.dr. Edin Muminović, Branimir Orašanin, Ajša Softić i mr. Anja Vuleta Pavelka, sudije Suda.

Predsjednica
Ustavnog suda Federacije
Bosne i Hercegovine

Aleksandra Martinović



Stručna služba Gradskog vijeća

Broj: 01-02-1991-1/26
Lukavac, 03.08.2026. godina

Na osnovu člana 98. stav (2) Poslovnika o radu Općinskog vijeća Lukavac („Sl. glasnik općine Lukavac“, broj 5/06, 2/09 i 5/09), a u vezi s članom 165. Statuta Grada Lukavac („Sl. glasnik Grada Lukavac“, broj 14/25), Stručna služba Gradskog vijeća vrši

ISPRAVKU

greške u Odluci o izmjenama Odluke o vodosnabdijevanju na području općine Lukavac

I

U objavljenom tekstu Odluke o izmjenama Odluke o vodosnabdijevanju na području općine Lukavac („Službeni glasnik Grada Lukavac“, broj: 8/26), u članu 1. u stavu (1) uočena je tehnička greška u odnosu na original Odluke te se ovim putem vrši ispravka **tako da umjesto teksta**

„paušalno – kod korisnika koji nemaju ugrađen vodomjer, izuzetno se može odobriti na osnovu odobrenja rukovodioca odjela vodosnabdijevanja ili direktora davaoca usluga vodosnabdijevanja, a najduže na period do 2 mjeseca“, **treba da stoji**

„paušalno – kod korisnika koji nemaju ugrađen vodomjer, izuzetno se može odobriti na osnovu odobrenja direktora davaoca usluga vodosnabdijevanja, a najduže na period do 2 mjeseca“.

II

Ispravku greške objaviti u „Službenom glasniku Grada Lukavac“.

Rukovodilac stručne službe Gradskog vijeća
Sekretar Vijeća

Izeta Bajrić, dipl. pravniksr

**SLUŽBENI GLASNIK GRADA
L U K A V A C**

Broj:9/26

Izdaje :Grad Lukavac

Uređuje.....Stručna Služba Gradskog vijeća

Adresa.....Grad Lukavac - Gradsko vijeće, Trg Slobode br. 1

Telefon035/553-253

Fax.....035-366-731

Službeni glasnik izdaje se po potrebi